



Serbská zakładna šula Ralbicy

Delanski ZWónčk



smažnik 2024 / číslo 94



Sorbische Grundschule Ralbitz

Sad a zelenina za našu šulu

Přez cyle lěto dodawa nam Domanic dwór z Hózka sad a zeleninu.

Hačrunjež je za nas zwučenosc, wostanje to tola wjeršk šulskeho tydženja. Wćipni kukaja džěci kóždu srjedu do swojeje njadowniskeje kisty a so wjesela. Dokelž wšitko zhromadnje myjemy, krajemy, džělimy a jěmy, wobradźitej so nam zhromadnosć a džakownosć: zhromadny piknik, zhromadne wjeselo, zhromadna strowota, zhromadna zwučenosc. Wulkotnje je tež, zo knjeni Domanjowa nam tak wšelakore płody přiwjeze: pisane, stódkke, wótre, juškojte... Z kisty směja so na nas mjez druhim jabłuka, krušwy, slowki, kórki, kulirabij, radiski a morcheje. To je přeco wotměnjate, za wóčko a brjušk. Zhromadnje sad jěšć je cyle jednorje wjeselo. Připódlu chwalimy pak sej tež přeco zaso, kak wulkotnje je, po regionje a po počasu zeleninu a sad jěšć. Powědamy sej, što sej doma w zahrodže plahujemy a zo móžemy so tež we wjesce za wyšacymi płodami wobhladować, zo je čerwik wuraz wosebiteje přirodneje kvality. Tuž wobkedźbujemy naše sadowcy w běhu lěta z wosebitej kedźbliwosću a džakownosću za wšu Božu stwórbu.

S. Lukašowa



Akcija "Dny hromadženja wotpadkow"

W ramiku dojutrowneje akcije „Dny hromadženja wotpadkow" w Budyskim wokrjesu nahromadźichu šulerjo 1. lětnika dwójce po pućikach wokolo našeje šule poľne měchi z wotpadkami. Ze zapalom so



na akciji wobdźělichu a chcedža w přichodže hišće bóle na to džiwać, přirodu škitać a njepoćežować. K. Šěnowa



Wukubtanje w kolesowanju



Po tym zo běštaj so našeje štwórtrej lětnikaj we wobłuku wěcneje wučby intensiwnje z wobchadnymi prawidłami, jězdženjom z kolesom a wotpołożenjom teoretiskeho pruwowanja zaběraťoj, scěhowaše srjedz měrca praktiske wukubtanje w Kamjencu. Na małym parcoursu mějachu dopokazać, zo zamóža přiswojenu wědu tež w praksy naťožować. Přijomna překwapjenka běše, zo smědžachu někotrežkuli rozkładženje w serbskej rěči přijimać, dokelž běše knjez Kober před krótkim hamt byrgarskeho policista w Pančicach nastupiť a z tym tež kolesowanske wukubtanje za šule w přisťušnym arealu přewzať. Jara so wjeselachmy, zo wšitcy naši šulerjo praktiske pruwowanje w kolesowanju wobstachu.



F. Rachelina

Mejestajenje



Naša šulska meja zaso stejil! Stajichmy ju z pomocu domownika a šulerjow 9. lětnika. Naš domownik je nam dzeň do toho pilnje při wiću wěncu pomhať. Tež haťužki je wobstarať. Zapłać Bóh za to! Po stajenju meje smy wšitcy zhromadnje wokolo meje koťo teptali. Lětsa změjemy wosebity wjeršk při mejemjetanju. Wo tym wam potom w našim wudaću w nowym šulskim lěće rozprawjamy. K. Šěnowa

Naša budka w nowym šaće



Naša budka w šulskej zahrodce dóstanje nowu wosebitu škitnu barbu. Šulerjo cyłodnjowskeho poskitka "Drjewo" budku z elanom a wjeselom wobarbichu. Nětko móža so wšitke graty do njeje składować.

K. Šěnowa



Pučowanski dzeń do Łazkowskeho lěsa - přeco rjane dožiwjenje

Při rjanym stónčnym wjedrje podachu so šulerjo 1. lětnika do Łazkowskeho lěsa. Podlěsk tam hižo wotdaloka wšitkich witaše a ptački rjenje fifolachu. To bě rjenje! Na dompuću pozastachmy při Nowotnec kapatce.

M. Šewcowa



Pučowanje k pčotarjej

Jenož někotre džělačerki a truty zalětowachu, jako wopyta 2.lětnik našeje šule kónc apryla Šoćic w Konjecach. Njeběše to přecopty dzeń - derje za pučowanje a za pčotki wotpočink. Šoćicy dachu nam na wobrazliwe wašnje dohlad do pčotarjenja. Film pokaza tež žiwjenje w koću. Stódnny měd smědžachu džěci wjerćeć a tež woptać. Hmm! Wjeseli a poŋni noweje wědy nóžkowachu wróco. Při šuli čakaše hišće chłódna překwapjenka knjenje Pilzoweje. Zaptać Bóh za wšu prócu jej a Šoćicom!



B. Klugowa

Wubědzowanje "Bul přez sak" za šulerjow 3. lětnika

Na wubědzowanju "Bul přez sak" w našej Ralbičan šuli wudoby sej naše mustwo 1. městno a kwalifikowaše so tak za zapadołužiske finale we Wojerecach.

Tam dyrbjachu naši šulerjo přećiwo pjeć dalšim dobyćerskim mustwam wojować. Běchu to přewšo napinace a napjate hry. Na kóncu wjeselachu so naši šulerjo přez docpěte 3. městno. Wutrobnu gratulaciju!



A. Liehnowa



Šulerjo 3. lětnika paslachu a pisachu pilnje za dzeń maćerjow:



Terminy

12.06.2024
17.06.2024
19.06.2024
03.08.2024
05.08.2024

zhromadny dzeń wšěch šulerjow na kóncu šulskeho lěta
sportowy swjedžen
posledni šulski dzeń, kónc po 4. hodžinje
10 hodž. zastup šulskich nowačkow
1. šulski dzeń, kónc po 4. hodžinje

